

**Uunga siunnersuut: Kalaallit Nunaata imartaani akisussaaffigineqartumi  
inuussutissarsiornikkut ingerlataqartarneq pillugu Inatsisartut inatsisaat nr. xx, yy  
2015-imeersoq**

(Inuussutissarsiornermut, Suliffeqarnermut, Niuernermut Nunanullu Allanut  
Naalakkersuisunut ilaasortaq)

**Saqqummiussinermut allakkiaq**

(Inuussutissarsiornermut, Suliffeqarnermut, Niuernermut Nunanullu Allanut  
Naalakkersuisunut ilaasortaq)

**Siullermeerneqarnera**

Naalakkersuisut sinnerlugit matumuuna saqqummiutissavara akisussaaffigineqartumi  
Kalaallit Nunaata imartaani inuussutissarsiornikkut ingerlataqartarneq pillugu inatsisisattut  
siunnersuut.

Imartatsinni inuussutissarsiornikkut ingerlataqartarneq annertusiartormat pingartinneqarpoq  
ataatsimut isigisumik tamatumunnga tunngatillugu inatsisiornissarput, taamaalilluni  
taamatut suliniuteqartarnernut aalajangersakkanik pilersitsisoqarsinnaaqquillugu.

Siunnersuutip kingunerissavaa imartatsinni inuussutissarsiornikkut ingerlatat sivisunerusut  
pisoq Naalakkersuisuniit akuerineqaqqaortalissammata tunngaveqartumik  
ingerlanneqartartussanngussammat. Taamaaliornikkut isumannaarneqassaaq suliniutinut  
ingerlanneqartussanut atugassarititaasunik aalajangersaasoqarsinnaalernissaa, aammalu  
taamaallaat suliniutinik nunatsinnut iluaqutaasussanik ingerlatsisoqarsinnaalernissaa.

Siunnersuummi attorneqassangillat sivikitsuinnarmik inuussutissarsiutit inatsisit allat  
naapertorlugit ingerlanneqartartut. Taamaasilluni siunnersuut aalisarnermut inatsit  
tunngavigalugu imaluunniit aatsitassanut ikummatissanullu inatsit tunngavigalugu  
ingerlanneqartartunik attuissanngilaq.

Minnerungitsumik siunnersuummi periarfissaasoq piumasaqaateqarnissamut, inuaqatigiinnut  
piujuannartitsisumik ingerlatsinermut naliliisoqartarnissaanik, aammalu inuaqatigiinnut  
piujuannartitsinissamut isumaqatigiissuteqartarnissaq, Naalakkersuisunit nalilerneqarpoq  
sakkussaasutut pingaaruteqartutut, inuussutissarsiornert kalaallit imartaanni ingerlanneqartut  
nunatsinnut tamarmut iluaqutaasumik ingerlanneqarnissaannut sakkussatut.

Taamatut oqaaseqarlunga siunnersuut Inatsisartunut suliassanngortippa.